



MØTEPROTOKOLL

FORMANNSKAP/PLAN- OG ØKONOMIUTVALET

Møtedato: 04.12.2017
Møtestad: Heradshuset, Dale
Møtetid: 12:00 - 13:00

Møtedeltakarar:

Medlemmer	Parti	Rolle
Eirik Haga	AP	Ordførar
Sigmund Simmenes	SP	Varaordførar
Heidi Rongved	AP	Medlem
Anne Christin Eide	AP	Medlem
Bjørn Roald	H	Medlem
Kjartan Haugsnes	SV	Medlem
Jan Erik Bernes Roe	KRF	Medlem

Andre møtande:

Konst. rådmann Åse Elin Myking
Kommunalsjef oppvekst Ann Kristin Bolstad
Einingsleiar Samfunnsutvikling Willy Andre Gjesdal
Politisk sekretær Sølvi Legård

Saksliste

SAKSNR	TITTEL
93/2017	GODKJENNING AV INNKALLING OG SAKSLISTE
94/2017	GODKJENNING AV MØTEBOK
95/2017	MODULSKULE
96/2017	VERTSKOMMUNESAMARBEID MED BERGEN BRANNVESEN



93/2017: GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.

Formannskap/plan- og økonomiutvalet 04.12.2017

Behandling:

Samrøystes vedtak.

FPØ - sak 93/2017 Vedtak:

Innkalling og saksliste vert godkjent.

94/2017: GODKJENNING AV MØTEBOK

Rådmannen sitt framlegg til vedtak:

Møteboka vert godkjent slik ho ligg føre.

Formannskap/plan- og økonomiutvalet 04.12.2017

Behandling:

Samrøystes vedtak.

FPØ - sak 94/2017 Vedtak:

Møteboka vert godkjent slik ho ligg føre.



95/2017: MODULSKULE

Rådmannen sitt framlegg til vedtak:

Formannskap/plan- og økonomiutvalet 04.12.2017

Behandling:

Framlegg frå Eirik Haga, AP:

Alternativ 1:

Vaksdal formannskap (delegert mynde i K.sak 84/17) stadfestar kommunestyret sitt vedtak (K.sak 70/17) om plassering av modulsule på Stanghelle.

Alternativ 2:

Vaksdal formannskap (delegert mynde i K.sak 84/17) vedtek å byggja modulsule på Sandliane på Dale i tråd med fleirtalstilrådinga frå formannskapet i møtet 23. okt. 2017.

Rådmannen set i gang prosess med leige, eventuelt grunnerverv og startar opp arbeidet med nødvendig regulering etter plan- og bygningslova. Ved frivillig løysing skal kommunestyret godkjenne kjøpesummen i eiga sak. Kommunestyret sjølv tek avgjerd om eventuell oreigning.

Modulskulen må prosjekterast innanfor vedteken kostnadsramme.

Modulskulen skal først nyttast av 1.-7.klasse under riving av gamal skule og bygging av ny Dale barne- og ungdomskule på eksisterande tomt på Lauvgardsflaten. Modulskulen eller delar av den vert å flytta til Vaksdal på der til eigna stad når prosjektet på Vaksdal er tilstrekkeleg førebudd for realisering.

Prosjektet med ny modulsule / riving av gamal skule / bygging av ny skule på Dale skal startast opp snarast mogleg og slik at modulsulen er klar til bruk frå 1.august i første moglege skuleår.

Rådmannen kjem tilbake til dei økonomiske konsekvensane ved rullering av økonomiplanen for 2019 – 2022 i juni 2018.

Formannskapet legg til grunn ei regnskapsføring av kostnader på drift og investering i samsvar med kommunerevisjonen sine råd på ein måte som tener kommunen på kort og lang sikt.

Endringar i budsjett 2018 vert innarbeidd og del av endeleg budsjettvedtak i kommunestyret i desember.

Alternativt framlegg frå Kjartan Haugsnes, SV:

- 1. Modulsule i byggetid for Dale barne og ungdomsskule og Vaksdal skule vert plassert på Dale (kommunal tomt - Sandliane) og Vaksdal idrettspark i 2 + 2 år.*
- 2. Vaksdal kommune gjev dispensasjon til Vaksdal kommune i høve PBL 19-3 for plassering av modulsule på Dale (kommunal tomt Sandliane) og Vaksdal (Idrettsparken)*



3. *Modulskule på Dale og Vaksdal skal gjennomførast innan tidlegare godkjend kostnadsramme og evn. mindreforbruk i drift vert overført drift oppvekst.*
4. *Modulskule på Dale og Vaksdal vert sett opp utan hinder for oppstart av ny barne og ungdomsskule på Dale haust 2018 og Vaksdal skule haust 2020.*
5. *Modulskule vert ført som investering høvesvis fordelt mellom prosjekta Dale barne og ungdomsskule og Vaksdal skule og i høve rekneskapsstandard KRS 2 og ei avskrivning på minimum 10 år i høve rekneskapsforskrifta § 8*

Røysting:

Det vart røysta slik at alternativ 1 i Eirik Haga sitt framlegg vart sett opp mot Kjartan Haugsnes sitt framlegg: Kjartan Haugsnes sitt framlegg fekk 3 røyster (SV, H, KRF) og fall.

FPØ - sak 95/2017 Vedtak:

Vaksdal formannskap (delegert mynde i K.sak 84/17) stadfestar kommunestyret sitt vedtak (K.sak 70/17) om plassering av modulskule på Stanghelle.

96/2017: VERTSKOMMUNESAMARBEID MED BERGEN BRANNVESEN

Rådmannen sitt framlegg til vedtak:

Vaksdal kommune inngår administrativt vertskommunesamarbeid etter §28 b om brann og redningstenester med Bergen Brannvesen frå 2018 i samsvar med framdriftsplan. Samarbeidsavtalen vert godkjent slik den ligg føre.

Kommunestyret ber rådmannen om å delegere mynde som brannsjef til brannsjefen i Bergen kommune, jf:

- *Lov av 14. juni 2002 nr. 20 om vern mot brann, eksplosjon mv. (brannvernloven)*
- *Forskrift av 26. juni 2002 nr. 728. endret 22. august 2002 nr. 931 og 6. november 2003 nr. 1317, om brannforebyggende tiltak og tilsyn (forebyggende forskrift)*
- *Forskrift av 26. juni 2002 nr. 729 om organisering og dimensjonering av brannvesen (dimensjoneringsforskrifta)*

Formannskap/plan- og økonomiutvalet 27.11.2017

Behandling:

Saka vart utsett til ekstraordinært møte i formannskapet 04.12.

FPØ - sak 92/2017 Vedtak:

Saka vart utsett til ekstraordinært møte i formannskapet 04.12.



Formannskap/plan- og økonomiutvalet 04.12.2017

Behandling:

Tilleggsframlegg frå Kjartan Haugsnes, på vegner av SV og H:

Vertskommunesamarbeidet vert evaluert årleg. Evalueringa vert lagt fram for Vaksdal kommunestyre, første gong i desember 2018.

Kjartan Haugsnes ba rådmannen utarbeida eit oversyn over vertskommunesamarbeid og interkommunale samarbeid som kommunen er med i. Ordføraren opplyste om at dette vil komma i årsmeldinga

Røysting

Rådmannen sitt framlegg vart samrøystes vedteke

Kjartan Haugsnes sitt framlegg vart samrøystes vedteke.

FPØ - sak 96/2017 Tilråding:

Vaksdal kommune inngår administrativt vertskommunesamarbeid etter §28 b om brann og redningstenester med Bergen Brannvesen frå 2018 i samsvar med framdriftsplan. Samarbeidsavtalen vert godkjent slik den ligg føre.

Kommunestyret ber rådmannen om å delegere mynde som brannsjef til brannsjefen i Bergen kommune, jf:

- *Lov av 14. juni 2002 nr. 20 om vern mot brann, eksplosjon mv. (brannvernloven)*
- *Forskrift av 26. juni 2002 nr. 728. endret 22. august 2002 nr. 931 og 6. november 2003 nr. 1317, om brannforebyggende tiltak og tilsyn (forebyggende forskrift)*
- *Forskrift av 26. juni 2002 nr. 729 om organisering og dimensjonering av brannvesen (dimensjoneringsforskrifta)*

Vertskommunesamarbeidet vert evaluert årleg. Evalueringa vert lagt fram for Vaksdal kommunestyre, første gong i desember 2018.

SPØRSMÅL/ANDRE SAKER

Sigmund Simmenes

Ba ordføraren orientera om arbeidet vedk. forslag om nedlegging av båtruto i indre Osterfjord
Ordføraren orienterte